

Թէ այլ ոք յիսլամաց : Արդ՝ փոյթ յանձին կալայ տալ
 զդաշնագիրս եւ զյետկարս զայս , որք խնդրեցին յինէն -
 և 'ի բովանդակ իշխանութենէ հրովարտակիս զուխտն Աս-
 տուծոյ , զբաշինս և զսարտիս Մարգարէին եւ Իսլամաց ,
 յառաջնոց մինչեւ ցյետինս , զհօր պարտիս եւ զդաշինս
 իմ . զորօրինակ ետ Աստուած Մարգարէին , կամ 'ի ձեռն
 մերձաւոր հրեշտակին՝ վասն հնազանդութեան . և պար-
 տաւորեցաւ կատարել զխոստումնն՝ ուխտին Աստուծոյ :
 Արդ՝ պաշտպանեցից և ես նախարարօք , իշխանօք և ա-
 մենայն Իսլամ՝ ծառայիւք իմովք զհեռաւորս նոցա , որք
 սիւսեալ են 'ի սահմանս Տէրութեան իմոյ , 'ի նահանգաց
 ցնահանդս . յանգործու կացուցից , պաշտպանեցից զնո-
 սա եւ զեկեղեցիս նոցին , որք են՝ մեծ եկեղեցին Ս . Յա-
 կոբայ՝ յարեւմտից հարաւոյ Երուսաղէմի՝ մերձ 'ի վանս
 Սիօնի եւ զեկեղեցիս Ս . Փրկչի , Ս . Հրեշտակապետին ,
 Բեթղէհէմի և Նապլուսի , և 'ի տաճարին Ս . Յարութեան
 Գերեզմանն Քրիստոսի՝ յորմէ ելանէ լոյսն ըստ կարծեաց
 նոցին . զԳողգոթայն , զվերին և զստորին հարկս նորին .
 զեկեղեցին Ս . Յովհաննու և 'ի չրջակայս Երուսաղէմի , Թէ
 'ի ներքս եւ Թէ յարտաքս , որք են սեպհականութիւնք
 աղգին Հայոց , որոց վասն չունին հակառակութիւնս ինչ
 օտար աղգքք քրիստոնէից : Նոյնպէս ետու նոցա , որպէս
 ետուն Մարգարէն Աստուծոյ եւ հաւատարիմ բարեկամք
 նորին : Եւ ըստ օրինակի նոցին ետու՝ զեկեղեցիս , զաղօ-
 Թարանս , զտեղիս կրօնաւորաց , զբնակարանս անապատա-
 կանաց ուր ուրեք և իցեն , 'ի լերինս , յայրս և 'ի փապարս
 և որք միանգամ յարակից են օրինաց և ստացուածոց նո-
 ցին , Թէ 'ի ծովու և Թէ 'ի ցամաքի , Թէ յարեւելս և Թէ
 յարեւմուտս , զորս պարփակեալ բովանդակէ հրաման իշ-
 խանութեանս , և Իսլամ ժողովրդոց աղգին իմոյ : Փրկե-
 ցից զնոսա յամենայն նեղութեանց , 'ի բռնութեանց և 'ի
 զզուանաց և 'ի ծառայելոյ այլոց : Վանեցից զթշնամիս նո-
 ցա անձամբ և Իսլամ ծառայիւք և հպատակօք իմովք , և
 ես թաղաւորեցից 'ի վերայ նոցա . այսպէս յարգել եւ
 պաշտպանել զնոսա յամենայն անարգութենէ , և բառնալ
 զբռնութիւնս այնպիսի իրաց , զորս ածեն 'ի վերայ նոցա
 դաշնակից աղգք , որպիսիք են՝ կողովտեւ և զրկել 'ի Ժա-